

ԱԼԵՔՍԵՅ ԶԻՎԵԼԵԳՈՎ

Ա. Ն. ՏԱՅԱՆ

Ալեքսեյ Կարպովիչ Զիվելեգովը (Ալեքսանդր Կարապետի Զիվելեգյան 1875—1952) մշակույթի ականավոր գործիչ էր:

Զիվելեգովը միջնակարգ կրթությունն ստանում է իր ծննդավայրում՝ Նոր Նախիջևանի հայ թեմական դպրոցում, հայտնի մանկավարժ և բանասեր Երվանդ Շահադիլի տեսչության օրոք: 1893 թ. ավարտելով թեմական դպրոցը, ընդունվում է Մոսկվայի համալսարանի պատմա-բանասիրական ֆակուլտետը, որտեղ և աշակերտելով ռուս նշանավոր պատմաբան Պ. Գ. Վինոգրադովին, մասնագիտանում է ընդհանուր պատմության մեջ, 1897 թ., երբ նա փայլուն կերպով ավարտում է Մոսկվայի համալսարանը, առաջարկում են ներքաշ մնալ համալսարանում՝ պրոֆեսորական աստիճանի պատրաստվելու համար, սակայն ժամանակի լուսավորության մինիստրը մերժում է այդ առաջարկը: Հետագայում Սովետական Միությունում Զիվելեգովը դարձավ ոչ միայն Մոսկվայի համալսարանի, այլև բարձրագույն ուսումնական ուրիշ հաստատությունների բազմամյա և բազմերախտ տնօրեն-պրոֆեսոր:

Զիվելեգովը իր գիտական գործունեությունը սկսեց Մոսկվայի համալսարանում ուսանելու տարիներին, գրելով իր առաջին գիտական հոգվածը «Викон его система философии» խորագրով¹:

Զիվելեգովի գիտական բուն գործունեությունը սկսվեց մեր տարի սկզբին և տևեց մինչև կյանքի ավարտը: Կես դարի ընթացքում նա գրեց և հրապարակեց պատմական, գրականագիտական և արվեստաբանական երկու տասնյակ աշխատություններ և բազմաթիվ հոգվածներ, որոնց ընդհանուր ցանկը կազմել են Գ. Բոյաչիևը և Ս. Մոկուսկինը²:

Զիվելեգովի գիտական գործունեությունը կարելի է բաժանել երկու շրջանի՝ բաժանարար սահմանագիծ ընդունելով 30-ական թվականները: Մինչև այդ թվականները Զիվելեգովն իր ուշադրությունը բեռնեց Արևմտյան եվրոպայի պատմության և միջնադարյան հասարակական կյանքի ուսումնասիրության վրա, իսկ 30-ական թվականներից հետո ականավոր գիտնականն իր հետազոտության հիմնական առարկան դարձրեց եվրոպական և հատկապես իտալական վերածննդի մշակույթը:

Զիվելեգովն իր գիտական գործունեության երկրորդ շրջանում հրատարակեց մի շարք արժեքավոր աշխատություններ: Հատկապես կարևոր էին «Жизнь замечательных людей» մատենաշարով հրատարակված Զիվելեգովի մենագրությունները՝ նվիրված իտալական վերածննդի երեք մեծ դեմքերին (Դանտե, Լեոնարդո դա Վինչի, Միքելանջելո) և մի աշխատություն՝ նվիրված իտալական թատերական արվեստին:

¹ «Вопросы философии и истории», М., 1896.

² «Сообщения института истории искусств АН СССР», 1957, № 10—11.

Զիվելեբգովը իբրև հանրաճանաչ մասնագետ իտալական վերածննդի գրականության և արվեստի՝ 1930—1940 թթ. բազմաթիվ հոդվածներ է տպագրել սովետական հանրագիտարաններում, գիտական հանդեսներում, գրական մամուլում և այլուր, ներածականներ գրել իտալական վերածննդի հեղինակների ուսական հրատարակությունների համար:

Գիտության մեջ կարևոր ներդրում են անգլիական և ֆրանսիական վերածննդի գրականությանը նվիրված գլուխները, որ Զիվելեբգովը գրել է բազմահատոր կոլեկտիվ աշխատությունների համար, ինչպես նաև արևմտաեվրոպական թատրոնի պատմությանը նվիրված մենագրությունը³:

Զիվելեբգովն ունի նաև բարձրարվեստ թարգմանությունների՝ կատարված Վազարիի, Մաքիավելլիի, Լեոնարդո դա Վինչիի և Գոլդոնիի երկերից:

Նրա գիտական գործունեությունը զուգորդված է կազմակերպական և մանկավարժական աշխատանքի հետ:

Դեռ 1898 թ. երիտասարդ գիտնականը Մոսկվայում հրավիրվում է աշխատելու «Գրանատի» մեծ հանրագիտարանում, սկզբում իբրև պատասխանատու քարտուղար և ապա՝ հրատարակչության վարչության նախագահ:

1914 թ. հայ գիտնականը, երր դեռ «Գրանատի» պատասխանատու քարտուղարն էր, Լենինին նամակով խնդրում է հանրագիտարանի համար հոդված գրել Մարքսի մասին: Լենինը գրավոր պատասխանով ընդունում է «մեծարգո կոլլեգայի» առաջարկը, գրելով ընդարձակ հոդված, որը տպագրվում է հանրագիտարանի 1915 թ. լույս տեսած հատորում: Այսպես ծնունդ առավ Լենինի հայտնի աշխատությունը «Կարլ Մարքս» խորագրով:

Զիվելեբգովը «Գրանատի» բազմահատոր հանրագիտարանին աշխատակցեց 40 տարի, մինչև 1939 թ.: Այդ տարիներին հայ գիտնականը, բացի վարչական-խմբագրական աշխատանքից, հանրագիտարանի համար գրել է հարյուրավոր մեծ ու փոքր հոդվածներ:

Իր գիտա-կազմակերպական գործունեությունը Զիվելեբգովը միաժամանակ ծավալում է հատկապես «Academia» հրատարակչությունում՝ Մաքսիմ Գորկու ղեկավարությամբ և աշխատակցությամբ:

Գորկին, որի հետ Զիվելեբգովը մինչ այդ կապված էր նամակագրական կապերով, բարձր է գնահատում հայ գիտնականի ունեցած գիտելիքները իտալական դասական գրականության մասին: Զիվելեբգովը վարում էր «Academia»-ի իտալական հրատարակությունների բաժինը:

Գորկու և Զիվելեբգովի նամակագրության և համագործակցության տարիներին (1931—1935) և այնուհետև մինչև 1939 թ.՝ ուսերեն թարգմանություններով և Զիվելեբգովի ներածական հոդվածներով «Academia»-ի հրատարակությամբ լույս տեսան իտալական բազմաթիվ հեղինակների գործեր՝ Դանտե, Բոկաչչո, Արիոստո, Տասսո, Մաքիավելլի, Կամպանելլա, Զեբլինի, Գուլլարդինի, Լեոնարդո դա Վինչի, Պոլիցիանո, Ֆիրենցուոլա, Մազուչչո, Կարդանո, Վիկո, Գոլդոնի, Գուերացցի, դ'Անձելիո:

³ История английской литературы, т. I, М.—Л., 1943, стр. 140—148, 302—379; История французской литературы, т. I, М.—Л., 1946, стр. 249—268, 792—807; А. Дживелегов и Г. Солдженев, История западно-европейского театра. М.—Л., 1941.

Գորկու հետ նամակագրական կապերը և համագործակցված աշխատանքը «Academia»-ի հրատարակչությունում Զիվելեգովը պատմել է իր «Горький и итальянская литература» հոդվածում⁴:

1939 թ. սկսած Զիվելեգովը վարել է արևմտա-եվրոպական գրականության ռաժիոն Գորկու անվան համաշխարհային գրականության ինստիտուտում, իսկ 1945—1949 թթ.՝ թատրոնի պատմության մասնաճյուղը Մոսկվայի արվեստի պատմության ինստիտուտում: Անվանի գիտնականը միաժամանակ ղործոն մասնակցություն է ունեցել Հայաստանի ակադեմիայի աշխատանքներին՝ 1945 թ. ընտրված լինելով ակադեմիայի թղթակից-անդամ:

Զիվելեգովի մանկավարժական գործունեությունը նույնպես սկիզբ է առնում վաղ անցյալից: Երիտասարդ գիտնականը դեռ հեղափոխությունից առաջ հրավիրվել է դասախոսելու Մոսկվայի և Նիժնի Նովգորոդի ժողովրդական համալսարաններում:

Սովետական իշխանության առաջին օրերից սկսած՝ պրոֆ. Զիվելեգովը գիտա-կադրակերպական աշխատանքներին զուգընթաց դասախոսել է Մոսկվայի պետական համալսարանում, Մոսկվայի փիլիսոփայության, գրականության և պատմության, լուսնաչարսկու անվան թատերական արվեստի, ինչպես նաև Կարմիր պրոֆեսուրայի ինստիտուտներում:

Պրոֆ. Զիվելեգովը 1945—1946 թթ. հրավիրվել է Երևան դասախոսություններ կարդալու պետհամալսարանում, թատերական և գրականության ինստիտուտներում:

Զիվելեգովի հեղինակությունը ձանաչել ու գիտական գործունեությունը գնահատել են Գորկին, լուսնաչարսկին, Մյասնիկյանը:

Զիվելեգովի գիտական վաստակը կարելի է բաժանել երկու հիմնական ճյուղի՝ եվրոպական պատմություն և եվրոպական մշակույթ (մասնավորապես իտալական վերածննդի մշակույթ)։ Եթե նախասովետական շրջանում և այնուհետև սովետական շրջանի առաջին տասնամյակներում Զիվելեգովը գլխավորապես նվիրվել է եվրոպական երկրների պատմական և հասարակական երևույթների հետազոտությանը և համեմատաբար քիչ է զբաղվել իտալական վերածննդի մշակույթով, ապա հաջորդ տասնամյակներում ակնհայտորեն գիտնականը հիմնովին նվիրվեց դեղագիտական ուսումնասիրություններ կատարելուն, պատմական իրողությունների հետազոտությանից անցավ պատմության մեջ գեղարվեստական արտահայտությունների հետազոտությանը և ամենից առաջ ու ամենից ավելի հետազոտությանը գեղագիտական արտահայտությունների այն փառահեղ շրջանի, որը մշակույթի պատմության մեջ կոչվում է իտալական վերածնունդ։ Մասնագիտությամբ պատմագետ Զիվելեգովը դարձավ գեղագետ՝ խառնվածքով ու նախասիրությամբ։ Իզուր չէ, որ Զիվելեգովի մերձավորները կատակով նրան անվանել են «человек ренессанса»։ Ականավոր գիտնականի գիտական գործունեության ամենալայն, ամենատեղական, ամենաձգողական շաղկապը իտալական մշակույթի վրա՝ սկսած «իտալական գեղագիտության հայր» և նշանավոր փիլիսոփա Ջան Բատտիստա Վիկոյին նվիրված իր առաջին հոդվածից (1896) մինչև իտալացի նշանավոր արվեստագետ-դերասան Թոմազո Սալվինիին նվիրված հոդվածը, որը տպագրվեց հետմահու (1957)։

⁴ «Книжные новости», 1937, № 11

Այսպիսով՝ Զիվելեդովի սեեռամտածության տեական առարկան եղել է իտալական մշակույթը (գրականություն, արվեստ և թատրոն), իսկ առարկայի առանցքը կազմել է իտալական վերածնունդը՝ Դանտեից մինչև XVI—XVII դդ. իտալական ժողովրդական թատրոնը:

Նույնիսկ երբ Զիվելեդովը գրում էր եվրոպական այլ ժողովուրդների վերածննդի որևէ խոշոր հեղինակի մասին, չէր կարողանում կտրվել իտալական միջավայրից. դրա վկայությունն է «Шекспир и Италия» խորագրով իր ծավալուն և արժեքավոր աշխատասիրությունը՝ տպագրված է Մաքսիմ Գորկու հիմնած հանդեսում⁵: Իզուր չէ, որ Զիվելեդովը հռչակվեց որպես իտալական վերածննդի մշակույթի ամենահեղինակավոր մասնագետը և պատահական չէ, որ ականավոր գիտնականի աշխատությունները՝ նվիրված Դանտեին, Միքելանջելոյին, Լեոնարդո դա Վինչիին և այլոց այսօր էլ պահել են իրենց գիտական արժեքը և, բնականաբար, վերահրատարակվում են: Բայց արդյո՞ք մեծանուն գիտնականը զինվորագրվելով գեղագիտությանը, լքե՞ց պատմությունը: Ամենեին ոչ: Ծիշտ է, Զիվելեդովը զուտ պատմությունը այլևս չդարձրեց հետազոտության առարկա, բայց պատմությունը դարձրեց գեղագիտության լծակիցը: Այստեղից էլ՝ գիտնականի գեղագիտական ուսումնասիրությունների հագեցածությունը պատմականությամբ:

Բայց Զիվելեդովի գործունեության նկարագիրը թերի կլինեիր, եթե չնշվեին նաև այն թելերը, որոնք ականավոր գիտնականին կապում էին հայ ժողովրդի պատմության և մշակույթի հետ: Դրանք հյուսված էին վաղուց, երբ Զիվելեդովը դեռ պատանի հասակում հայրենաշունչ ուսուցիչների ձեռքի տակ հայացի դաստիարակություն էր ստանում նոր նախնիների թեմական դպրոցում: Այդ թելերը հետագայում այնքան ամրացան, որ չէին կարող աննշմարելի մնալ ականավոր գիտնականի ընդարձակ գործունեության մեջ:

Զիվելեդովը ընդամենը 25 տարեկան էր և դեռ նոր էր մուտք գործել գիտության կաճառ, երբ պատմաբանի իր առաջին պարտականություններից մեկը համարեց զբաղվել իր ժողովրդի պատմական ճակատագրով: Այնուհետև այդ թեման միշտ մնաց ականավոր գիտնականի ենթագիտակցության մեջ, և երբ որ Հայկական հարցը հայկական կոտորածների առնչությամբ հուզում առաջացրեց ուս հասարակական առաջավոր խավերի մեջ, հայրենասեր գիտնականը առաջիններից մեկն էր, որ ձայնը բարձրացրեց հօգուտ իր ժողովրդի դատի արդարացի լուծման: Եվ երիտասարդ գիտնականը այդ ուղղությամբ իր առաջին առաքելությունը կատարեց 1900 թ. նոյեմբերի 26-ին՝ Պետերբուրգի հասարակության առաջ հրապարակային դասախոսություն կարդալով ուսահայ հասարակական գործիչ Գ. Ա. Զանշիևի հիշատակին նվիրված երեկոյում⁶, Զիվելեդովի այդ դասախոսությունը Հայկական հարցի ամսփոփ պատմությունն էր 1895—1896 թթ. հայկական կոտորածների առնչությամբ, որոնք այնքան հուզել էին ուս հասարակական միտքը և որոնց առիթով այնքան հայանպաստ գործունեություն էր ծավալել Գ. Զանշիևը՝ ուս հասարակական առաջավոր խավերի մեջ:

Զիվելեդովը հայրենասիրական եռանդուն գործունեություն ծավալեց նաև համաշխարհային առաջին պատերազմի տարիներին, իր բազմաթիվ հոդված-

⁵ Տե՛ս «Литературная учеба», М., 1938, № 12.

⁶ Г. А. Джаншиев и армянский вопрос (տե՛ս «Русская мысль», М., 1901, кн. 2)

ներով ուս հասարակական միտքը հրավիրելով հայկական արհավիրքների վրա: Նա հայ ժողովրդի փրկությունը կապում էր Ռուսաստանի հետ:

1939 թ. Զիվելեգովը իբրև պատվավոր հյուր Մոսկվայից հրավիրվել էր Երևան, մասնակցելու Սասունցի Դավթի հազարամյակի տոնակատարությանը: Հետպատերազմյան տարիներին նա կենտրոնական մամուլում արժեքավոր հոդվածներ է տպագրել Արուվյանի, Թումանյանի և Իսահակյանի մասին, առաջարկներ դրել Կ. Դոլանի՝ հայ թատրոնի 2000-ամյակին նվիրված աշխատության և Դանտեի հայերեն թարգմանության հրատարակությունների համար: Զիվելեգովի հետպատերազմյան այցելությունները Սովետական Հայաստան առավել ևս ամրապնդեցին ականավոր գիտնականի հոգեկան կապերն իր ժողովրդի հետ: Հայաստան կատարած իր այցելությունների ժամանակ նա խանդավառվել է իր ժողովրդի պատմական հուշարձաններով, ներկա նվաճումներով և ցանկություն է հայտնել կյանքի վերջին տարիներն ապրել իր ժողովրդի ծոցում⁷:

Վերահաս մահը բաղում ուրիշ մտահղացումների հետ խափանեց մեծանուն գիտնականի նաև այդ ծրագիրը:

Զիվելեգովը հայ ժողովրդի արժանավոր զավակն է: Նրա մտքի փալլը տասնամյակներ շարունակ շողացել է միութենական տարածքի վրա: Մեծ գիտնականի ընտիր երկերի հրատարակությունը կլինեք մեր ժողովրդի հարգանքի տուրքը մեծանուն գիտնականի անմոռաց հիշատակին:

АЛЕКСЕЙ ДЖИВЕЛЕГОВ

А. Н. ТАЯН

Резюме

Алексей Карпович Дживелегов был одним из выдающихся деятелей советской литературы.

Дживелегов выступил с историографическими трудами еще до Октября. После революции он приобрел большую известность своими монографиями, посвященными итальянскому Возрождению. Научная деятельность Дживелегова получила высокую оценку М. Горького, А. В. Луначарского, А. Ф. Мясникова.

Научную деятельность Дживелегов сочетал с педагогической, будучи на протяжении долгих лет лектором ряда вузов Москвы. Он читал лекции и в вузах Еревана. Дживелегов был член-корреспондентом АН Арм. ССР, принимал активное участие в научной жизни нашей республики.

ԶԻՎԵԼԵԳՈՎԻ ՀԻՄՆԱԿԱՆ ԱՇԽԱՏՈՒԹՅՈՒՆՆԵՐԻ ՑԱՆԿԸ

Городская община в средние века, СПб., 1901.

Средневековые города в западной Европе, СПб., 1902, 1903.

Торговля на Западе в средние века, СПб., 1904.

Армяне в России, М., 1906.

Начало итальянского Возрождения, М., 1908, 1924.

⁷ Տե՛ս 2. Ղ ա ն ա լ ա ն յ ա ն, Մ տ եր ի մ դ ե մ բ եր, Երևան, 1965, էջ 58—66:

- История современной Германии, ч. I, СПб., 1908; ч. II, СПб., 1910.
Александр I и Наполеон. М., 1915.
Вольные города в Европе, М., 1919.
Крестьянские движения на Западе. Исторический очерк, М., 1920, 1922, 1923.
Армия Великой французской революции и ее вожди. Исторический очерк, М.—Пг., 1923.
Очерки итальянского Возрождения. Кастильоне—Аретино—Целлини, М., 1929.
Данте Алighieri, М., 1933, 1946.
Леонардо да Винчи, М., 1935, 1969.
Микельанджело, М., 1938, 1957.
История западноевропейского театра от возникновения до 1789 г. (в соавторстве с Г. Н. Бояджиевым), М.—Л., 1941.
Итальянская народная комедия М., 1954, 1962.